




---

ՌԵԺԸ · 1868 — ՔՍԱՆԵՐՈՐԴ ՎԵՏԵՐՈՐԴ ՏԱՐԻ · — ՍԵՊՏԵՄԲԵՐ

---

## ԲԱԺԻՆՔ ՀԱՅՈՅ ՄԵԾԱՅ

Մինչեւ ծընեալ ի լերինս այլախօսիկ արձագանգք,  
 Մինչ ծիր ծովուն եւ ցամաք անմարդաձայնք եւ անծանք,  
 եւ չեւ լարեալ սահմանաց զազինս երկրի միաբուն,  
 Յարփիասկիզբն արեւելս աստուածակերտ կանգնէր տուն,  
 ի սարահարթ բարձրակուռ քաջարոյս վայր գեղունակ  
 Ծովասարաս ոռոգեալ աղբեր դնացիւք քառարձակ:  
 Երանութեան արգասեօք սարեալ առ մարդ բարեշուք.  
 Յորմէ օցտեալ պատրանօք՝ անկաւ արտաքս, ո՛հ, եղնկ.  
 եւ ի Նայիդ՝ դէմ փակեալ բնակարանին յարեւելս՝  
 Ըզմահացու կենցաղոյն լալեօք քրտամք կրկէր թելս:  
 Երանի թէ նդ զեղջն իսկ ոչ զըջայր ճեան աննըւէր.  
 Գուցէ զՀաստչին դրդեալ գուլթ՝ ըզհօրն յանցուածքս քաւէր.  
 եւ վարսահուր սրովբէին ճեպեալ սուսեր ի պատեան՝  
 Համարձակէր արդեօք մարդ դառնալ ի հեշտն իւր ոստան,  
 եւ ոչ ոճիր առ ոճիր բարդեալ՝ զտարերըս դղըրդէր,  
 Սանդարամետք գոռային եւ զայրանայր խորն եթեր.  
 Հաստատութեանց պատառեալ տիրամանուածքն տուունք  
 երկինք ու անդունդք ձուլէին անդրէն ի թոհըս զեռունք.

ի լուծական խաւարի ղուղեալ հանգոյն այսակիր  
Ու առեալ չրջան քառասուն՝ ոչ ժամանէր տիւ յերկիր :  
Մի միայն երգ տատանեալ իբր ի տաշեղ անտառի  
ի ծագս ալեաց անբաւից տենչայր զհանգիստըն հեռի ,  
Որ հաղ ընդ հաղ նստուցեալ ըզվրիժառուարն զալիս  
Անդնդամուղ վերբերէր նաւհանգրուան ըզՄասիս .  
Յեղեմունակն ի վայր նոյն նորոգէր նոյ զօթեւանն ,  
Եւ քառառաջն յայլափոխ չրջան գայր գետն յերեւան .  
Ոմն ընդ հիւսիս դարաժազ քարակրտուր խընդրէր ծով ,  
Միւս՝ թափ ընդ թափ դաշտանայր արեւելից կարօտով ,  
Եւ լրծակիցք ընդ հարաւ՝ Տիգրիս և Եփրատ բարձրաբուղիս՝  
ի հեռաստան յունչ Հնդիկն ովկիանու խառնել ուղիս :

Աճէր դիճէր նորասերմըն մարդկութիւն չրջացիր .  
Յարեթածինք յանդըգունք ժառանգէին զմէջըն ծիր .  
Որդի յորդուոյ՝ նախ Գոմեր , ապ՝ Աւքանաղ եւ Թորգոմ՝  
Հսկայակերպ ութեքումք զաւակօք ճոխ եւ ճոռոմ .  
Յարեւմտեանն՝ Աւքանաղ՝ մինչ յառաջէր ծովուն խաղ ,  
Մինչ հաւ Գոմեր անդրադոյն ի միջերկրեայսն խաղաղ ,  
Եւ հեղաշուք Սեմականըն զարմ ընդ ելս եւ հարաւ ,  
Ինքըն Թորգոմ ըզհիւսիս յորդիս տրոհէր վիճակաւ :  
Իսկ անդրանիկն եռանդուն որ էջ ի դաշտ Սենայար  
Ու ամբարտաւան Ներբովթայ տենչանաց կաց կռփահար ,  
Որդուովք թողամբք ու եռարիւր քաջաղեղամբք դարձ առ հայր ,  
Զողջոյն Տաւրի կովկասայ զգիպանն ունէր միջավայր .  
Յորմէ խայտակն ըզհրսկայն իսպառըսպուռ վանեալ Բել՝  
Տիրաբար յիւր անուն ՀԱՅՔ՝ ու արժանն իսկ տայր զայն կոչել .  
ՅԱւքանագեան ծրփանաց մինչ ի կասպից կոհակս հեղգ ,  
Ի պահակէն Ասորոց մինչ ի զանխուլ Հոնաց փեղկ ,  
Ու ի պոնտամերձ Պարխարայ մինչ ի Զարասպ մարական՝  
Առ հասարակ հռչակիւր տուն հսկայիցն՝ ՀԱՅՍՏԱՍՏԱՆ :

Իսկ քաջատէգ քաջաղեղն եւ քաջաձի գոռն արանց  
Ըզհայրենի հեղութեամբ եւ զսահմանօք խուն մի զանց՝  
Զհիւսիս զհարաւ քերելով անդրավարէր յարփուոյն մայր՝  
Ընդմիջելով ըզՊոնտոս , Գամիրս , Կիւլիկ ծովածայր ,  
Աճել սփռել ընդ երկիր ըզհայկեան կրօնս եւ լեզու .  
Յայնմհետէ Մեծ կոչէին Հայք դէմ նորոյն եւ փղբու .  
Եւ Միջագետք հայկականք ընդ Տաճկաստան ու Ասորիս ,  
Եւ Լեռնականք՝ Լըփիկք , Ծօղք , Ալուանք եւ Մեսիք ընդ Եգրիս .  
Ազգազաւառք երեսուն ընդ հայութեան հովանեաւ ,  
Ու երիր հնգեակ բընաշխարհք ըզտիրապանձն ոստանաւ .  
Մէն գահակալ ունելով ճոխ նախարար արքաշուք ,

Ըստ ձեռնէն՝ մեծամեծ գաւառակաք գոռ զինուք .  
Երկերիւրոց եւ յիսնից հնչէ հռչակ ի մեծ Հայս ,  
Եւ անանուն հարիւրոց չորից ի կոյս եւ ի կայս ,  
Որք ի տաճար արքունի՝ նդ ազատորեար սեփական՝  
Ի ընդ պաշտօնեայս ռազմէին յինն հարիւր բարձ գասական .  
Նազէր ի մէջ բարձրագլուխ՝ իբր ընդ լերանց սարս արեւ՝  
Այրարատայն թագաւոր՝ Հայկայ ժառանգն արդարեւ .  
Չորիւք բիւրուք քաջ արանց սեփականեալ նորին վաշտ ,  
Ի ութսուն եւ չորս հազարաց նախարարեան մասն ի դաշտ .  
Իսկ որ ուստեք ի մարդից եւ ընդ ձեռամբ սպասահար  
Գումարտ գնդից եւ հրոսից՝ զայն ո՞ արկցէ ի համար .  
Կարմիր կանաչ եւ կապոյտ սաւառնացեալ գրոհից դրօշք  
Ջրապիտակաւն արքենեաւ բարձրանային քաջորոշք :...

Իսկ մինչ ըզբաղդըն չրջեալ ընդ կրունկ բիւրամն ամանակ՝  
Թաւալեցոյց զՀայ փառօք անյուշութիւն մեռունակ ,  
Ջաւեր զդերբուկ կանգնելով անցականին մահարձան ,  
Անուանք մարդից եւ ցեղիցն անգամ սուզեալ մոռացան .  
Ոչ եւս բընիկ կալիովալ յայգիս Գողթան հովանեաց  
Վիպասանիցըն բամբուռամբ բոմբէ զհամբաւ հայրենեաց .  
Այլ հայկայուչ դու Մնեմիս՝ եկեալ գէթ խոռն մի յողոր  
ՋՀայոց Մեծաց ինձ թըւեա զկապուտ բաղդին անողոր .  
Քանիք , ասա , գաւառք անդ , եւ սեփական տոհմք եւ բարձ ,  
Եւ որ ի մարզս ինչ սակաւ , ( բաստ թէ բնաւիցն է անդարձ . )  
Ձի ծանիցէ զարմն ազնիւ զինքն Հայութիւն յուսակիր՝  
Որում այնքան թողին հարքն համբաւ եւ նիչ ընդ երկիր :

Նախ յարեւմուտս հիւսիսոյ Հայոց Մեծաց աշխարհ՝ ՏԱՅՔ ,  
Գետահովտաց ճորոխի եւ կրրի գուլ զուգակայք ,  
Օժանդակօք վըտակօք կըտրեալ գողեալ ի լերանց ,  
Յութեակ տրոհեալ փորածեւ գաւառս ամուրս անթափանց .  
Յոր հնասերունդ տեղածին ազգ կորովի կալեալ վայր՝  
Ի փապարուտ թաքնութիւնս խարձից ու այրիցն ամրանայր ,  
Մինչեւ հսկայք թորգոմեանք անդր արկին ձեռն եւ լեզու ,  
Ըզտայեցի կորդ բարբառ եղեալ Հայկին սպասարկու ,  
Եւ զամրական ըզբնութիւն վայրացն հինից ապաստան ,  
Որ գեղեցիկ աշխարհիս , աւանդ , ածին բիւր տուգան :  
Խեթկեալ երբեմն ի Պարսից՝ Հեյլենիկ վաշտ եռանդուն  
Յաշակերտէն Սոկրատայ վարիւր ի վայրըս թաքուն ,  
Ընդ ամրոստեան վերելեակ բռնակապան կիրճ լերանց՝  
Ի տայեցի տարափոյ տազնապէր բուռն քարանց ,  
Ապ՝ յուսահատ խիզախեալ յանտառամոլ դադաթան՝  
Մինչ ըզյամառ դիմակայոն ի բուռն առնուլ գոյր ժաման ,

Նոքա զազատ մահն ի Տայս քան զգերութիւն Ատտիկին  
լնտրեալ՝ յախուռն եւ ընդ գահս դարահոլով թօթափին .  
Կորզեալ զմանկիկն ի ստեանց՝ մայր մոլեալ ի քէն եւ ի գութ  
Պարսէ ի վիհ խորանդունդ եւ զհետ դրդի 'նդ խէթ եւ խութ .  
Յերկոցուն սէր խանդակաթ հաւատարիմն ամուսին  
Ըղդիակամբն թափեալ՝ գերեզմանէ ի գրկին .  
Հուսկ բընաւից զոտս առեալ պահակապետն անողոր ,  
Յայն ինչ վազելն ընդ կատարն ընդ վիհն անհաշտ զգուանօք՝  
Ի Ստիւմիալեանն Ենէայ բռնաբարեալ ի յապրուստ՝  
Ըզնոյն յանդուգն ըմբռնող՝ ձրգէ խորոց յորկորուստ .  
Ի խառնագոյ ճորոխայ յորձանս ճողփեալ դի առ դի՝  
Արկադացի 'նդ Տայեցւոյ պանդուխտ մահուամբ պատանդի :

Արշակունեաց նախաթագ ուշիմն արքայ եւ յաղթող՝  
Մինչ պոնտական մրցանաց զՊարխար թողոյր իւր կոթող ,  
Ի մառախլուտ ի մայրիս մըխէր Տայոց լօռաւէտ՝  
Ջամարանի հովանոցս հիմնել ի սար բարձրագէտ ,  
Եւ ի թիկունս թաւաբոյս կոհակաց՝ գոմս որսականս  
Թագազարմիցն եւ դրանկաց հրահանգարան եւ զբօսանս :  
Պարտիզափոր զանունն յայնժամ առնոյր նախն գաւառ ,  
Եղեմատունկ թէ ոչ դրախտն իսկ ամփոփէր անդ պայծառ .  
Փորակաւոր ընկերացն անուանք յայժմուս անսովոր ,  
Իւր լոկ լըսի պերճաբար եւ յայլազգւոյն իսկ ցայսօր .  
Ամրակառոյց Բերդացիոր , Ազորդափոր , Արսեաց փոր ,  
Ճակք եւ Բոշխա , Ոքաղէ եւ Կող՝ Կըրի ականց հոր .  
Քաջաբուսակ պտղաւէտ վիճակք՝ ալեօք կարկաջուն ,  
Վաղարշակայ զբօսարանք այգիք եւ գոմք որսասուն :

Աշխարհ երկրորդ ԳՈՒԳԱՐԱՅ՝ ըզհիւսիսեալ առեալ պատ ,  
Հուպ Եգերաց եւ Մեսխաց , Վըրաց դրացի անանջատ ,  
Բընաբարեալ ի Քարթլեանց եւ ի Հայկեանց ընդ երկար ,  
Հնգետասան ունելով եւ աւելի եւս գաւառ .  
Բազում փորակք եւ ձորակք , լըճակք , լերինք եւ մայրի ,  
Առատ բովուք պըղընձոյ , բուսով գեղով իսկ վայրի .  
Քըշիշափոր , Խիւսափձոր , Մանգլեացըն փոր , Բողնափոր ,  
Եւ յարեւելս՝ Չորոփոր , Ծորոփոր , հուսկ Կողքոփոր .  
Կըղարք , երբեմն առանձնակ աշխարհ դրացի Եգերաց ,  
Ջաշախք երկիր լըճաշատ , Կանգարք լեռնոտ մայրաբարձ ,  
Արտահան , Թռեղք եւ Պարոշար ընդ Վրաց դաշտ մօտ ի Տփղիս .  
Տաշիրք Վերին եւ Ստորին , Բաւքակ եւ Չոր Սեւորդիս :

Երրորդ աշխարհ յարեւելս ի նոյն Կուրայ ի հովտի՝  
Օտարախօս եւ թաքուն ծագմամբ անուան իւր ՈՒՏԻ .  
Գաւառ նախկին Միափոր՝ հուպ փորակաց Գուգարաց ,

Կայեն աշխարհ յորջորջեալ ժառանգութիւն հրդօրաց .  
Բագրատունեաց մարդ Ադուէ եւ Տուչքատուս կամ Տաշուշ  
Ռոտպացեան , Արանշուտ , եւ Տաի , անյայտք եւ անյուշ .  
Ի միջնաշխարհն Գարդման՝ բերկրեալ ազգաւ քաջազանց ,  
Սակաց բընակ Շակաշէն , յորում Գանձակ մեծագանձ .  
Շաւքորաձոր եւ Սագամ՝ ի միջին դարբս հռչակք ,  
Եւ Աղուանից գահավայր Պարտաւ՝ յՈրոտի առանձնակ :

Զորրորդ՝ Սիւնեաց զուգանուն եւ զուգատիպ՝ մութն ԱՐՑԱԽ ,  
Յախուտ , մայրուտ եւ ժայռուտ աշխարհ ամուր եւ խիզախ ,  
Ի նմա Հաքանդ միշտ՝ զուգորդ Սիսականին գաւառի ,  
Եւ Վայկոռնիք ագուռեալ յեղուզակէն անկտուի .  
Բերձոր յամուրբս վիմաց եւ փառիսոս փառազանց՝  
Քոռսոտի փառնէս եւ Զաշէ նոյն յորջորջեալ յայլ ոմանց .  
Կողք եւ Ոստան Սիսական՝ հուպ մեծապանձն աշխարհի ,  
Մեծիրանք՝ ուր Ամարաս հանգիստ թոռին Գրիգորի ,  
Եւ զուգանուն Մեծկողմանք՝ կոչեալ ի նորս Ճարսաբերդ ,  
Եւ թագափայլըն խաչէն՝ մասըն նոցին ամրակերտ .  
Պարճկանք՝ որ այժմբս Շուշի , Մոշխանք՝ երէզ Մուղանին ,  
Հարձկանք , Պիսանք անձանթք , կամ թէ Դիզա ՚նդ Վառանդին :

Յեղեմախառն Եփրատայ յակնահովիտ մաքրայորդ  
Յարեւմտեան հիւսիս կան ԲԱՐՁՐ ՀԱՅԲ աշխարհ հինգերորդ ,  
ԿԱՏԱՐ ԵՐԿՐԻ կոչեցեալ բարձրակառոյցըն դըրիւք ,  
Ու ԱՇԽԱՐՀ ԿԱՐՆՈՅ՝ յոր անուն դաշտադաւառն համաղոյգ .  
Եւ Թէոդու Պօլիս ցարդ մայր քաղաքաց հուսկ ի Հայք .  
Հովանաւոր Շաղագումք հուպ՝ Մեսրովպայն վարժից կայք .  
Ըսպէր՝ խաղտեացըն դրացի արծաթաճոխ հին սահման .  
Եւ ըստ Կարնոյ հաբաւոյ միհրապաշտիկըն Դերջան ,  
Մեծապաշտօն եւս Եկեղք՝ Անահատականըն գաւառ ,  
Յետոյ անուն կոչեցեալ Լոռաւառոյիկն վեհափառ .  
Սալահոռնիք ի միջի որ եւ Երկիր Կոտերոյ ,  
Ուստ՝ հայրազեն Թէոդոր՝ զոր սաբեկայն չեզերծ խոյ .  
Դարանադի կամ Կամախ , Մանանադի համակոչ՝  
Թարգմանք բովուց եւ ծորից աղի յիւրեանցըն խորուջ .  
Ահեղանունն եւ թաքուն Առիւծ ի ծայր աշխարհին ,  
Եւ համատիպ մութ Մնձոռ ի լեռնախիտ կարկառին :

Միջահովիտ Հայութեան մարզից Երասխ հարազատ՝  
Զորից զրաւող աշխարհաց . նախ պանծալին ԱՅՐԱՐԱՏ ,  
Ըզմիջադիրն ունելով վայր՝ սեփական Հայոց տուն ,  
Յեզերական աշխարհաց չըպաստեալ եօթնեցուն ,  
Ի քսան եւ հինգ զատուցեալ գաւառս՝ ի դաշտ սարահարթ  
Խաղիւք վազիւք Երասխայն առողացեալ գեղազուարթ .

Մերձ ի կարին նախ Բասեան վերին ու Անփայտն Ըստորին ,  
Լայնածաւալ գիւղաշատ արգասաւոր դաշտ դիւրին .  
Որում վանանդ յարակից՝ կըրող զկարուցըն քաղաք ,  
Եւ Զարիշատ վանանդայ բազորդ եւ հուպ ի Շիրակ՝  
Որկորէին Հայկազնոյ հացաւէտ դաշտ թաթաւուչ ,  
Յետին գահոյք արքազանց մերոյ՝ Անի սրտառուչ .  
Ըստ հարաւոյ տարածեալ զոյգ Գաթեղեան ու Աթեղեան ,  
Թաթլոյ դադարք եւ վարդկան օձակալ հարց հոգեծայն .  
Եւ նոցին հուպ Հաւնոռնիք բազէակաք արքայից ,  
Զորովք պատեալ յորձնեռանդն Երասխ յանձուկըս կրճից ,  
Երասխաձոր կոչի , նոյն Արշարուռնիք և Արշունիք ,  
Տրդատայ տուրք առ Կամսար , Երուանդայ նախ արքունիք .  
Զոյգ քաղաքկնեար ի կրկին անկիւնս յախուռն Ախուրեան ,  
Անդ Արտազերք եւ Կապոյտ բերդք , յուչք լալեաց եւ արեան .  
Արագածոտն ի Շիրակ հուպ լեռնաբերձ շինաշատ  
Ուր գահադլուխք քաղաքաց՝ հինն Արմաւիր ու Արտաշատ .  
Թալին , Թալիշ եւ Կարբի , Անքերոյ եւ զոյգ Բիւրակեան  
Տրոհեալ մանուկք վիճակօք՝ կրօնից եւ գրոց ապաստան .  
Ծագ աշխարհին՝ Գուգարաց դրացի Աշոցք լեռնաշար  
Վաղարշակաւ վիճակեալ առ հայկազնեանն Գուշար :  
ՅԱրագածեան տարածեալ բարձանց ցըծով Գեղամայ՝  
Վարաժնոռնիք քաջերէ՝ վարժոցք Միջնոյ Տիգրանայ ,  
Նոյն բիւրաբոյս երփնեբանդ անուանեալ Զոր Ծաղկունիք  
Ուր Նախամարց գեօղ եւ բարձրն ծովադէտ Ճապոտիկ .  
Կոռայք՝ ուր նոր աշխարհին մայրաքաղաք Երեւան ,  
Հիւսիսական հըսկային պատուեալ ի Հայս հանգըրուան .  
Նիգ ու Ապարան նոր վիճակք , այլ հինաւուրց շինանի՝  
Աստուածընկալ եւ Քասաղ , Փառաժնակերտ եւ Բջնի :  
Գեղամաշէն՝ սիսական Գեղաքունեաց թիկնակից՝  
Մազազունեաց սեփական , յորում Գառնի՝ գործ վեհից ,  
Եւ հրաշակերտ վանորայ ի պաղանձաւս վիմաբլեր՝  
Գեղարդայ-վանք , Հաւուց թառ՝ ուր տիրատիպըն պատկեր .  
Ուրճ եւ Արաճ ծովամերձ վիճակք վելտի նորանուն ,  
Ուր Սագրայ-բերդ վաղեմի ու Արջառերեկ վատանուն .  
Շարուր՝ սոցին շարայար դաշտ ծաւալ յեզըր Սիւնեաց ,  
Եւ Սառաքակ զուգաման՝ ուր Մարակերտ նիստ նախնեաց .  
Բարձրաբերձին յարանուն լերին Մասեաց-Ուն յերի  
Ուր Գինեգոյն գետոյն գիւտք , եւ արդ աւերն Ակոռի .  
Անդ Ամասեայ դաստակերտք զոյգ՝ Փառախոտն եւ Յուակ ,  
Ամուրք Զոյկերտ , Վարազկերտ , Կադաղարթոյցըն Կըռուակք :  
Սահմանակից առ ի մուտըս Ճակատք ճոխ աղահանք ,

Ձոր կողքայն բարձր բերէ բլրակ Բարդող եռազանգ :  
Իսկ ընդ հարաւ եւ ընդ ելս՝ Թիկունք Մարտեոյ լայնանիստ  
Նոյն կողովիտ , եւ Դարօնք՝ ուր Փրկչին տիպք եւ հանգիստ .  
Եւ պժգալին դաստակերտ Արշակաւան չարայուշ՝  
Ձորոյ կանգնողն ելոյծ վրէժ յարտասուելին բերդ Սնյուշ :  
Երասխայ հուսկ բաժին յայսքան գաւառաց չըջապատ՝  
Բնաւիցըն պարծ գահագլուխ մայրագաւառոն Այրարատ ,  
Հընոցք սիրոյ հայրենեաց եւ հաւատոց լուսոյ գանձ ,  
Ոստան Հայոց հսկայից պրսակապերճ քաջազանց .  
Անդ վարդգէսի հին աւան վաղարշակերտն—Արտիմէդ՝  
Տուն Տրդատայ՝ Գրիգորիւ լեալ Քրիստոսի իջման կէտ .  
Գաւառք կրկին յերասիւեան գետահովտէ տարադէմ՝  
ՅԱրածանոյ ծաղկածիր բարձունս նըստին զոյգք յեղէմ .  
Շաղկոտն յելից՝ բիւրղափայլ աղբերականց խանձարուր ,  
Ուր որսաշատն արգաշուք Շահապիվան սիրամրուր .  
Լերինք ծաղկեալք անդ եւ Դրախտք , լերինք Ոսկեայք եւ Լըսին ,  
Ուր արդ խաւոշր եւ Բաղնոց՝ բերդավիճակք զոյգք լըսին .  
Միւսն ի մրտից երկայնեալ դաշտ ընդարձակ ու արգաւանդ՝  
Յարտաշխսեան պարմանեաց պատուեալ տօնիւք Բագրեշանդ .  
Յորում նըպատ բարձրանալ , Սուկաւ՝ սիրող Ալանաց ,  
Եւ դիւցազանց դըօշեալք խիտ առ խիտ բազինք աւանաց .  
Ձիրաւ ցրուող սեաւ Պարսից ի Ներսիսէ հոգէհուր ,  
Որում որդւոյն համափառ՝ անդ հուսկ հանգիստն ի Բըլուր :

Հ. Ղ. Մ. ԱԼԻՇԱՆ

(Զմեացորդն տեսցես յամաստեալիս Հոկտեմբերի.)

## ԻՄ ՎԱՆՔՍ

Դրաքեանի մը անտիպ յիշատակաւ  
գիրք :

(Տես երես 234)

## Զ

Յայտնուեր էինք . անոնք որ ժող-  
վուելու համար զարնող զանգակին  
ձայնէն՝ երկայն ատեն ետեւէս ինջեր  
էին , մեր այն անտառին մէջ պահուր  
տած ըլլալն իմացան : Իսկ երբոր իմ  
զլամբերտը կանչելս լսեցին , ալ աւելի  
վրանիս հասած ըլլալնուն վրայ հաս-

տատուեցան , զոր յայտնի հաճութիւն  
կ'ըսէին ու կը կրկնէին : Քիչ վերջը  
խիտ անտառին մէջ քանի մը ջահերու  
փայլելը տեսայ , և այն լուսով տեսայ  
որ հրացաններու եղէգներ և նիզակաց  
սլաքներ կը շողային : Վերէն այս ամե-  
նը կրնայի տեսնել , բայց ոչ և զմեզ  
հալածողներուն թիւն իմանալ . սա-  
կայն ելած ձայներու և աղաղակներու  
չնկոցէն ինծի կ'երևար թէ քիչ չէին :  
Այն վայրկենին սաստիկ տագնա-  
պեցուցիչ անստուգութեան մը մէջ էի :  
Կ'ուզէի մէկ կողմանէ գիտնալ թէ ինչ  
եղաւ Լամբերտ , որ կը վախնայի թէ  
արջէն սպաննուած կամ ջախջախած  
չըլլայ . մէկալ կողմանէ կը ջանայի